

Mbanjcuengh Vujmingz:

Sing Fwen Haprwenz Vunzlai Angqyangz

壮乡武鸣歌如潮

——Sukingj Bi 2016 Mbanjcuengh Cungguk Vujmingz Hawfwen
“Sam Nyied Sam Bouxcuengh” Nem Ciet Loegvet Vwnzva Lijyouz

□ bonjbauq gicej Couh Yi /周玉



▲ Dahsau Bouxcuengh caeuq beixnuengx Daizvanh yien fwngz diuq foux.

▲ Haimuq yienhciegz nauh-yied raeuh.



▲ Naihlaux Liuz Yiyinh dingq fwen cingsaenz raeuh.

“Cietfwen sam nyied sam, nauhyied dangq gvaq cieng. Hohfuk gyoengq beixnuengx, ndang cangq dem souhyienz.” “Aen cietfwen Mbanjcuengh, dauqcauq yiengj sing fwen. Mboujdan vunz Bouxcuengh, beixnuengx wng caemh daeuj.” Youq yienhciegz bi 2016 cietfwen Mbanjcuengh Cungguk • Vujmingz “sam nyied sam Bouxcuengh” nem ciet Loegvet vwnzva lijyouz, dingqny Se Cinhsenh caeuq Cau Cuiyen daengj canghfwen Bouxcuengh doiq fwen, gij hekyouz daeuj Vujmingz camgya “sam nyied sam” Bouxcuengh haenx dingq dwk dawzyinx raixcaix.

Liggaeuq sam nyied sam, dwg aen ciet Bouxcuengh youqgaenj, lij heuhguh “cietfwen sam nyied sam”. Vunz Bouxcuengh sibgvenq auu gij hingzsi eu fwen doiq fwen, diuq foux, caeq cojcoeng mbaenj fuk doenghgi neix daeuj angqcoux seiz hainduj fanh faed hoengh maj neix, ranzranz auu haeuxnaengj haj saek, gaeqduumq, nohbit, bya daengj doxgaiq cuengq-caeq cojcoeng, mbaenj muengh bi laeng fouqmiz swnhleih. Daj bi 2014 hwnj, moix bi liggaeuq sam nyied sam dingh aen gyajgeiz goengcungq, daengx gih cuengqgyaj song ngoenz.

Vujmingz dangguh “Mbanjcuengh Cungguk”, youq seiz “sam nyied sam”, dauqcauq miz sing fwen, dauqcauq cungj vunz lai vunz daih. 4 nyied 9 hauh baihaet, youq aen gvangjczangz Vujmingz Dijyuzcangz, 2016 nienz hawfwen Mbanjcuengh Cungguk • Vujmingz “sam nyied sam” nem ciet Loegvet vwnzva lijyouz haimuq, gij fwen gij go gij foux yienh’ok daegsaek Bouxcuengh, gij ciengzmienh biujyienj dwkgienz

hungloet, gij fouxfaexsoux yinx vunz yawj, yinx vunz haengj, gij haiz-giegraz biujyienj gig ndeyawj, gak yiengh biujyienj doxlwnz hwnjdaiz, hawj vunzlai yawj dwk angq raixcaix. Seizhaenx, ndaw gvangjczangz gig nauhyied, couh lumj aen gyangngoenz seizhaenx ityiengh hoengz, ityiengh ndat.

Naihlaux Liuz Yiyinh ndaej 92 bi neix, heuh lan de buenxdaiq daj Yilinz daeuj Vujmingz camgya hozdung “sam nyied sam”. Youq yienhciegz doiq fwen, naihlaux dingq bouxwnq doiq fwen dingq dwk naj riu sim’angq. Boux lan de doiq gicej gangj, naihlaux itcig haengj dingq fwen, ndigah, bineix couh daiq de daeuj Vujmingz yienhciegz dingq, hawj de angq gaeuq mbat ndeu.

Aen haimuq sik cawz le gij go foux miz daegsaek Bouxcuengh, caemh lij miz go foux gij vunz daj Funghbinh Yangh Daizvanh daeuj biujyienj —《Cingz Ahmeij Daibingz-yangz》, aen cezmuuz neix hawj gij heiqaenx yienhciegz hoengh hwnj-daeuj. Boux yanghcangj Funghbinh Yangh Liuz Cingfangh gangj: Baez neix dwg dou baez daihngaih daeuj

Vujmingz camgya hozdung “sam nyied sam” lo, dou camgya aen hozdung neix, maqmuengh ndaej doiq doicaen vwnzva cietheiq saujsu minzcuz fazcanj miz leih, doengzseiz caemh ndaej doicaenx mbouj doengz minzcuz vwnzva gyaulouz dem cingzgamj gyaulouz.

9 hauh baihringzgaq, Swcigih fucuzsiz Vangz Siyungj, Swcigih Daizban, Minzvej, Vwnzvadingh, Namzningz Si Cwngfuj daengj danhvei lingjdauj bae daengz Gvangjsih Minzcuz Cunghconh camgya le 2016 nienz “sam nyied sam Bouxcuengh” ndaw hag minzcuz vwnzva hozdung—“Fatyengz minzcuz vwnzva, caemh guh hagdangz gyaendei”. Ngoenz haenx, ndaw hag dauqcauq ndaej gamjsouh daengz heiqaenx cietheiq, gij minzsuz hozdung lai cungj lai yiengh, yiengh beij yiengh ndeyawj. Hagseng Gvangjsih Minzcuz Cunghconh caeuq beixnuengx daj Daizvanh Vahlenz Si, Yizlanz Yen, Daizdungh Yen daeuj haenx itheij fwngz rag fwngz diuq fouxdohyeh, yienhciegz sing riu, sing wenqyaem, sing diuqfoux gyoebgayux youq itheij nauhyied raixcaix.



▲ Gyonghoih Bouxcuengh sing goksad.



▲ Bau domq doxdax mizvixx raixcaix.



▲ Cien vunz diuq fouxfaexsoux ciengzmienh angqyangz.



▲ Canghfwen doiq fwen sing mbouj gat.



▲ Gyoengq bouxyienj daj Funghbinh Yangh Vahlenz Yen Daizvanh daeuj haenx biujyienj cezmuuz yinx vunz lai.